

書名 錦繡萬花谷前集四十卷 嘉靖十五年序錫山秦汴鑄石書堂刊本後修
 撰者 宋 闕名 撰
 卷 卷二十三
 內容分類 子-類書-彙考-宋
 索書號 大木-子部-類書類-31
 編號 C5924800

卷二十三



彩色首頁1

東洋文化研究所漢籍目錄 編號: C5924800

東洋文化研究所漢籍目錄所藏漢籍善本文影像資料庫 索書號: 大木-子部-類書類-31

漢籍善本文影像資料庫文本 錦繡萬花谷前集四十卷 嘉靖十五年序錫山秦汴鑄石書堂刊本後修

版權所有: 東京大學 東洋文化研究所

使用上的注意事項

錦繡萬花谷前集卷之一



磨蟻 圓如倚蓋地方如碁局天旁轉半在地上半在
 地下 月本東行天西旋入于海牽之以西如蟻行磨
 上磨 旋蟻右行磨疾蟻遲蟻不得不西出晉天文志
 銀潢 界河漢水之精發而浮上宛轉隨流名曰天河
 一曰 漢詩疏亦名銀潢謝莊月賦斜漢左界北陸南
 曙亦 漢詩疏亦名銀潢謝莊月賦斜漢左界北陸南
 神異經 東北大有金闕高千丈上有明
 大光 照千里中有金階兩闕名天門出杜詩
 明王 帝殿名常有紅雲捧之坡詩云侍臣鵠

錦繡萬花谷前集卷之二十三

才德

金山玉海南史朱异涉獵文史兼通雜藝博士明山賓表薦於梁武帝曰器宇宏深神表峯峻金山萬丈綠陟未登玉海千尋窺映不測异傳

豐年玉荒年穀世稱庾元康為豐年玉王稚恭為荒年穀

梁稷纖纒劉孝標稱劉訐超超如半天朱霞劉歊矯矯如雲中白鶴皆儉歲之梁稷寒年之纖纒南史

言若湧泉戴胄為大理卿犯顏據正參處法意隨類指

摘言若湧泉胄傳

萬頃陂王蕙恬靜若萬頃陂南史

鳳雛水鏡 龐德翁謂諸葛孔明為卧龍龐統為鳳雛司馬德操為水鏡

南州冠冕 龐統少時往見司馬德操德操採桑樹上統乃樹下自晝達夜談論稱之為南州冠冕並蜀志

陳元龍湖海之士 陳登字元龍有威名魏太祖表為廣

陟太守卒後許汜與劉備在劉表坐上與備論天下人

汜曰陳元龍湖海之士豪氣不除備曰君言豪寧有事

耶曰昔過下邳見元龍自上大床卧使客卧下床

備曰君有國士之風所望有救世之意而君求田問舍

言無可取是元龍所諱也如小人則卧百尺高樓上卧

君於地何但上下床之間耶表大笑呂布傳

陳太丘詣荀淑元方御車季方驂乘群尚幼抱

於車中荀淑使慈明應門行酒文若小坐於膝餘六

下食太史奏德星聚五百里有賢人聚

滄海遺珠 狄仁傑調汴州參軍為吏誣訴黜陟使閻立

本召訊特異其才謝曰仲尼稱觀過知仁君可謂滄海

遺珠矣

餘子瑣瑣 陳矯季弼謂陳登曰遠近之論謂明府驕而

自矜登曰夫閨門雍穆有德有行吾敬陳元方兄弟淵

清玉潔有禮有法吾敬華子魚清修疾惡有識有義吾

敬趙元達博聞強記奇材卓犖吾敬孔文舉雄姿傑出

有王霸之略吾敬劉元德餘子瑣瑣焉足錄所敬如此

何驕之有呂布傳

暗中模索可識 許敬宗性輕見人多忘或謂其不聰乃

曰卿自難識若遇曹劉沈謝暗中摸索着亦自可識史纂

口伐可汗唐太宗時突厥寇太原鄭德芳勞之虜以不信咎中國德芳隨語折責突厥愧服太宗賜書知公口伐可汗德芳傳

霹靂手裴琰之為同州司戶年少不主曹務刺史李崇義輕之吏白積案數百崇義使趣斷之乃命吏連紙進筆省決一日畢予奪當理崇義驚曰子何自晦成吾過即自是名動一州號霹靂手本傳

一言賢十萬衆唐初或告馮盎叛太宗詔發江淮甲卒討之魏徵諫曰今四海已平盎尚何事反未服當懷之以德帝乃遣韋叔諧諭盎盎遣子入侍帝曰徵一言賢於十萬衆盎傳

蒙輪康子元與趙冬曦議燔柴不從張說曰康子獨出蒙輪以當一隊耶本傳

讀碑覆棋王粲與人行讀道傍碑而背誦之又觀棋局壞粲為覆之棋者不信以帕蓋更以他局為之相校不失一路

誦路傍碑蕭穎士嘗與李華陸據游洛龍門讀誦路傍碑穎士即誦華再閱據三乃能盡記聞者謂三人才高下此其分也穎士傳

讀曹娥碑楊修為曹公主簿至江南讀曹娥碑背有八字曰黃絹幼婦外孫齏臼操不解問脩脩曰解之操曰且勿言待朕思之行三十里乃得之脩解曰絕妙好辭

操曰一如朕意俗云有智無智校三十里語林

談壘謝胡兒語庾道季諸人暮當就卿談可堅城壘庾

曰若文度來我以偏師待之庾伯恭來濟河焚舟世說

談藝裴頠善談論時人謂之言談之林藪本傳

口中雌黃王衍善玄言惟談莊老義理有所不安隨卽

改更世號口中雌黃衍傳

瓊林瓊樹王戎嘗曰王衍神姿高澈如瑤林瓊樹自是

風塵表物戎傳

觸目琳琅有人詣王太尉遇安豐大將軍丞相在

往別屋見繡平子還語人曰今日之行觸目琳琅珠玉

世說

玉山山濤啓事征南將軍羊祐體儀玉立可以整

肅朝廷職官分紀

玉山嵇康字叔夜山濤曰叔夜之爲人也巖巖若孤松

獨立其醉也悵然若玉山之將頽本傳

八斗才謝靈運云天下才共一石曹子建獨得八斗我

得一斗自古及今共用一斗竒才博識安足繼之魏志

一片文章李建博覽羣籍頗善理論宋齊丘嘗曰李相

善談不必潤色自是一片文章矣南康近事

臥虎陳留耆舊傳高謹字孝甫敦實少華口不能劇語

而好深沉之謀其徒號曰臥虎又曰癡不語高孝甫

白玉碑進士牛益夢至天第吏曰此羣玉宮也見殿上

有白玉碑朱書字蒙以絳紗大字云中洲天仙籍其次

皆姓字數千其中惟識數人乃呂夷簡李迪余靖而已

有故人呂臻掌此官益問今世卿相亦皆仙乎曰十中
七人 李綽尚書故實

玉管銀管 梁元帝為湘東王嘗記錄忠臣義士文章之
美者筆有三品忠孝全者以玉管書之德行精粹者以
銀管書之文章瞻麗者以班竹管書之

金榜銀榜鐵榜 崔紹暴卒復生云見冥門列榜人間姓
名將相列金榜其次銀榜州縣小官並列長鐵榜 錄行

上江石與古 商浩識度深遠尤善玄言為風流談論者
所宗屏居十年乎時擬之管葛王濛謝尚俟其出處以
上江左興亡因省之謂曰深源不起當如蒼生何後為
都督欲蕩平關河為姚襄大敗坐廢 本傳

駕輕車就熟路 辨古今事當否論人高下事後當成敗

若河決下流而東注若駟馬駕輕車就熟路而王良造
父為之先後若燭照數計而龜卜 韓送石洪序

要人爭令出門下 議論出入經史踔厲風發率常屈其
坐人名聲大振一時皆慕與之交要人爭令出我門下
交口譽之 柳子厚碑

不如一縫掖 後漢皇甫規解官居安處鴈門太守刺謁
規卧不迎曰卿食鴈美乎有語頃王符至規驚起衣不
及帶屣履出迎時人謂之語曰徒見二千石不如一縫
掖 本傳

蒹葭倚玉樹 晉毛曾與夏侯玄並坐時人謂之蒹葭倚
玉樹

氣靡屈賈壘 氣靡屈賈壘目短曹劉墻曳裾置醴地奏

賦入明光老杜壯遊詩

腹中空洞無物 晉周顛字伯仁性寬裕王導甚重之嘗枕顛膝而指其腹曰卿此中何有曰此中空洞無物然足容卿數百人導亦不以爲忤

大兒小兒借面監厨 曹公遷都許或問禰衡當今許中誰最可者衡曰大兒有孔文舉小兒有楊德祖又見荀彧有容儀而趙稚長有腹決因曰文若可借面吊喪趙稚長可使監厨請客衆人皆切齒

轉般倉 王元咎黎宗孟皆爲荆公學世謂黎爲模畫手一點一畫不出前人王爲轉般倉致無贏餘但有所欠以其因人成能無自得也後山居士談叢
釘坐黎 崔澹舉止秀峙時謂玉而冠者子遠亦有文采

而風致整峻世慕其爲人 目爲釘坐黎言爲坐所环也

唐崔瑄傳

大才槃槃 晉陽秋云諺曰 大才槃槃謝家安揚州獨步 王文度後來出人郗嘉賓

群飛刺天 子之視人自以 無前一斥不復群飛刺天柳

文厚

冰鏡青天 晉樂廣字彥輔 衛瓘何晏曰此人之冰鏡瑩若披雲霧而覩青天又謂 冰清本傳

團和氣 謝顯道云明道 先生坐如泥塑人接人則渾是一團和氣

春風中 朱公揆見明道先生于汝歸謂人曰光庭在春風中坐了一箇月並程氏外書

老杜詩憶獻二賦蓬萊宮自怪一日聲輝

赫集賢學士如堵墻觀我落筆中書堂

公含起草姿不遠明光殿杜甫

收取玉堂揮翰手歌公小試玉堂揮翰手後山

六韜武王登夏臺以臨商民周公曰愛人者愛

其屋上烏憎人者憎其餘胥杜甫詩云丈人屋上烏人

好烏亦好

銀鈎玉唾山谷次錢穆父詩云銀鈎玉唾明蠶紙松篔

輕涼并送仙

我評君材甚高妙孤竹截管空桑琴眉宇之間見風

雅藍田煙霞生球琳胷中礮磊政須酒東海可攬北斗

斟○吾聞李元中學為古人青出藍眉宇之間如太華

一段翠氣連終南並山驥之子鳳之雛炯然一段清水

出萬壑置在迎風寒露之玉壺○淮海維揚一俊人金

章紫綬照青春指揮能事回天地訓練強兵似鬼神湘

西不得歸關羽河內猶宜借寇恂朝覲從容問幽友忽

云江漢有垂綸並杜君材於用無不宜醫無問之珣玕

琪會稽竹箭梁山犀賈而不售君不疑亦不自以為珍

奇呂居眉間爽氣照秋色山水頓覺生精神胷中撐拄

萬卷書對客傾寫如崩雲燭文章一代喧高價忠直三

朝受聖知帳下軍容森劔戟門前行客擁旌旗雲籠古

霧黃榆暗雪滿長江白草衰出去暫開龍虎幕歸來須

古鳳凰池鬢邊未有一莖白陶鑄蒼生固未遲黃覺詩

詩當年志氣壓朱雲老作吾皇諫諍臣章疏罷封無事

日朝廷猶指直言人起詩野館光泉石講易秋堂動鬼神
解禹澗松無心古鬢鬣天球不琢中粹温落筆塵沙
百馬奔劇談風霆九河翻○日臨天閑豢直龍新詩得
意挾雷風我貧無句當二物看君倒海取明月並山韻
如秋水初含風秀出蘭芽新茁叢人間何從有此客妙
語屑玉霏無窮君材有如切玉刀見之凜凜寒生毛
願隨壯士斬蛟蜃不願腰間纏錦條東坡猶拱北辰纏寇
盜欲傾東海洗乾坤文章曹植波瀾闊服食劉安德業
尊杜鶚在卿雲冰在壺代天才業共許謨昨夜星辰回
劔履前年風月滿江湖趙水雪照人蘇李子幅巾短褐
在山林曾中涇渭自派別蹊下桃李成清陰珠藏老蚌
夜光逸豹隱南山春霧深僧善范候渥洼種出水已權

奇失身肉馬群俛首枯豆箕張彥實六符搖斗極八坐

文章規憲存中府勲庸入太常石曼卿天為國家孕英才

森森矛戟擁雲臺浩瀚深謀噴江海縱橫逸氣走風雷

○朝見裴叔則朗如行玉山黃河樂天走東海萬里瀉

入曾懷間○承恩初入銀河門看書獨在金鑿殿龍駒

雕勒白玉鞍象牀綺食黃金盤並韓太五百年中降岳靈

神仙風骨鶴儀形劔光帶日衝南斗鵬翼翻雲起北溟

○八表順風均雨露四溟隨劔息波濤手扶北極鴻圖

永雲捲長天聖日高未會漢家青史上韓彭何處有功

勞杜光躡履三千皆後學搏風九萬是前程名將日月

同時朽身出山河應世生方曾立玉墀聯遊侍新持金
節領諸侯屠龍伎倆終須用探虎功名未肯休孔常子

雖軀幹少老氣橫九州挺身戴難際張目視寇讎杜詩
魂躔斗壁醉力撼蓬萊剖山無鵠印傾廐盡龍媒揚邦
其今年方十九美如濯濯春風柳龍章鳳姿本天然金
馬玉堂如固有酒闌愛捉玉麈尾玉色已同批誥手高
燒銀燭擁紅粧看君落筆龍蛇走能驅清景入秀句萬
象奔趨不敢後人疑錦綉纏肺肝不然筆端應有口但
恐功名纏縛人少年天子須師友僧慧穎士聲名動倭
國樂天詞筆過雞林節旄零落甕吞雪辨舌縱橫印佩
金孫莘老和韻如風蟬蛻塵垢氣如春容在楊柳風流
翰墨俱細事自是吾家道門友冷撥爐應對夜語久雲
灰消盡紅金斗君才合在殿閣間簿書帷中不應有且
置玉堂風雨筆來試牛刀霹靂手江彦點檢金閨彥飄



零玉筍班尚令清廟器猶隔鬼門關鶴秋風十驛望台
星想見冰壺照坐清零雨已回公旦駕挽鬚聊聽野王
箏三朝元老心方吐四海蒼生耳已傾白髮故人來一
別却歸林下看升平魏泰別我公大與英雄表龍章鳳
姿照魚鳥但令端委坐廟堂北狄西戎談笑了坡與張
漢家太史宋公孫謾逐班行謁帝閣燕領封侯空有相
蛾眉傾國自難婚家徒四壁書侵坐馬瘦三山葉擁門
安得風帆隨雪水江南石上對雲樽山谷和平生四海
蘇太史酒澆不下曾崔嵬黃州副使坐閑散謀䟽無路
通鐵臺○曾蟠萬卷夜光寒筆倒三江硯滴乾大似不
蒙稽古力只今猶着侍兒冠○晁子智囊可以括四海
張子筆瑞可以回萬牛自我得二士意氣橫九州道山

延閣委竹帛清都太微望冕旒○男兒生世間筆端吐
白虹何事與秋螢爭光蒲葦叢並山霜蹄千里駿風翻
九霄鵬筆飛鸞登立章罷鳳騫騰社三公歷拜榮無敵
二府更居貴莫倫籍道古文章金鸞鸞出群行上玉麒
麟趙三陪藻宴簪裾上五對龍顏日月邊劉長少時解
奏三千牘老去猶蟠十二經田元一片靈臺掛明月萬
丈辭焰飛長虹杜氣與神兵上牛斗詩如晴雪灌江漢
剗風流要是賢公子白哲仍為美少年韓中朝駙馬何
平叔南國佳人陸士龍陳狗監傳新賦雞林購近詩○
氣纏霜匣滿冰置玉壺多○紫誥鸞回紙清朝燕賀人
○筆落驚風雨詩成泣鬼神龍舟移棹晚獸錦奪袍新
並杜無波古井水有節秋竹竿樂直如朱絲絃清如玉

萬水萬劍戟明山雪旌旗濕海雲魏清秋一鷲上拭目
萬人看陳無已

吉兆

白鹿夾轂鄭洪為淮陰守有白鹿夾轂而行洪怪闢主

簿黃國國賀曰聞三公車幡畫作鹿明府當作宰相後漢

合兩舟升天劉穆之夢合兩舟為船施華蓋升天有一

姥說之曰君必居端右言訖不見後至僕射異苑

夢捧日唐楊炎夢登山視日光赫然以左右手捧之後

登相位宣室志

雙旌燭影唐淮西用兵劉沔為小將軍頭每捉生踏仗

因月黑風甚沔行十餘里因坐睡有人覺之授以雙燭

曰君方大貴但存心此燭在即無憂也沔後拜將常見

燭影在雙旌上 西陽書

兩炬前引段文昌嘗佐韋臯為成都館驛巡官攝靈地尉羸僮劣馬奔迫去靈池六七里昏黑路絕人行忽兩炬前引更呼曰太尉來及入郭門兩炬皆滅文昌後作丞相封鄒平公 錄異記

飛蟬集冠朱异除中書郎時秋日始拜有飛蟬正集异武冠侍謂蟬貂之兆後至散騎常侍又遷侍中

夢錦半臂唐竇參為御史中丞夢德宗以文錦半臂賜之參曰半臂股肱之衣其遂登此位後數日果大 出

夢賜褥席梁劉世隆為大將軍子慶遠亦為征虜將軍子津嗣慶遠嘗謂津曰昔吾夢太尉以褥席見賜吾遂

世隆為南史

柳神九列君唐李固言未第時嘗行古柳下聞指聲問

之應曰吾柳神九列君也用柳汁染子衣科第無疑得藍袍當以棗糕祀我固言許之未久狀元及第 三卷集

夢取中穗禾蔡茂為廣漢守夢坐大殿極上有三穗禾茂取之得中穗復失之以問郭賀賀慶曰大殿者官府

之象也極而有禾人臣之上也得取中穗是中台之位也於字禾失為秩雖曰失之乃所以得祿也衮職有關

君其補之句日代戴法為司徒 本傳

蝦蟆天使唐李揆丞相時夜見一大蝦蟆占之曰蝦蟆天使也吉兆也未幾拜相 室志

樵得貂蟬江淹孤貧採薪以養其母於樵所得貂蟬一具母曰此汝之休徵也汝才行若此豈長貧賤可留待得侍中着之後遷中丞南史本傳

蘆三節唐李全忠為棣州司馬有蘆生其室一尺三節別駕張建曰蘆茅類茅土之北也傳節者其三世乎果如其言雞跡集

三蘆慕容寶與韓黃李根等樗蒲寶誓之曰樗蒲有神若富貴可期願得三蘆於是三擲皆蘆袒跣大叫詩

夢八翼上天陶侃少時夢生八翼飛而上天見天門九重而登其八惟一門不得入闞者以杖擊之墜地折其左翼後果都督八州握強兵潛有窺窬思折翼之祥乃止本傳

旌節花開唐王侍中處回一旦有道士携花子二粒種之遂巡花漸長漸開已乃爛然道士曰此仙家旌節花也公當富貴之兆處回官至太傅野人閑話

堂柱生槐韓偓字龍光家堂柱生槐枝暮而茂既而偓秉政本

鳩入懷得銅鈎張氏世為功曹晨起當朝有鳩從承塵上飛下欲取飛上者三功曹朝還正坐曰鳩為我禍耶當往承塵上為福耶入我懷中鳩飛入懷探得銅鈎因以帶之官至數郡子孫或至九卿三輔故事云何氏策張氏鈎張氏肥何氏瘦肥貴瘦賤故二族以鈎策凶吉凶以肥瘦知貴賤今並失鈎策南北微矣並職官分紀

鏡影成相宋璟未第時日中覽鏡鏡影忽成相字璟

因此自負後果如志 職林

頭上焰光

江淮間有術者姓吳術甚精有赴宏詞者謁

之吳曰公是何人頭上有焰光高一丈其人對以實曰

必高第 唐宋史

溝起為岸

殷仲堪遊於江濱見流棺接而葬焉旬日門

前溝忽起為岸其夕有通名自稱徐伯玄感君之惠仲

堪因問門前之岸何祥對曰水中有岸其名為洲君將

為州言終而沒後果為荊州刺史 本傳

十倍售畚

王猛少貧鬻畚為事嘗至洛陽有人置畚曰

家在此可隨取直隨至深山中見一老翁坐胡牀從十

許人引猛進曰大司馬公可進猛拜翁曰王公何緣拜

即十倍售畚送出山顧視乃嵩山 晉中興書

李德裕自言三遇異人故入禁苑居相位每

節制皆與之協不差歲月惟謫南荒未嘗有知之豈禍

患不可移神所祕耶 職官分紀

蜺龍

五代侯勣十三四歲嘗寐於簷下天大雨有虹自

河貫于弘實口良久沒及覺母問有夢否對曰適夢入

河飲水飽足而歸數月有僧詣門母呼弘實請僧相之

僧視之曰此蜺龍也官必顯榮同光三年弘實從興聖

太子收蜀節制夔州 監戒錄

虎取驂去

韓祭張員外僕來告言虎入廐處無敢驚逐

以我驂去君云是物不駿於乘虎取而往來寅其徵我

預在此與君俱膺猛獸果信惡禱而憑驂 驂子也驂不

取而去疑其亨也故來寅望微猛獸果信者惡取驂果



江濱廟知宰相文潞公少從其父赴蜀州幕官入江濱廟廟祝接之甚勤且言夜夢神令洒掃明日有宰相來官人豈異日宰相乎公笑曰宰相非所望若為成都當令廟室一新慶曆中公以樞密直學士知益州謁廟有感方經營忽有大木數千章蔽流而下取以為材廟成邵氏錄

左顧龜晉孔愉放龜於餘干溪中龜左顧後有功封餘干亭長及鑄印龜左顧更鑄猶然愉悟佩之本傳

檢書倉頭本朝石元懿熙載遊嵩陽道中遇一叟熟視之曰真太平良弼也吾幼為唐相房元齡檢書倉頭公酷似房公語訖即滅太宗朝石為左僕射談苑

夢神授大小五代馬裔孫初為河中從事因赴闕

宿邏店其池上有邏神祠夜夢神人授二筆一小一大為翰林學士洎為相入中書治事吏奉二筆大小如夢者

劉穆之遷丹陽尹與弟子飲宴廳事柱上有一穿穆之謂弟子曰汝等試遙擲此柱若能入穿後必得此郡穆之諸子並不能中惟秀之獨入焉並職官分門路今容長戟旗幡晉王濬字士得恢廓有大志嘗起宅開門有路廣數十步曰吾欲使容長戟旗幡眾咸笑之後果以平吳功仕至大將軍

玉龍池鄭獬未貴時病瘟夢至一處若宮闕有吏迎謁甚恭公謂吏曰吾思涼浴吏云已為公辦矣引至小池甃以明玉水灑灑公乃坐甃上以水沃身俄視兩臂生

鱗視水中影則頭已角公驚遽出吏云此玉龍池也惜乎公不入其中入則為宰輔乃覺後登第為詩落句云霹靂一聲從地起到頭身是白龍翁青瑣鄭獬傳

紫微二字王欽若昔年行莆田道中宿於村舍起視天中有赤文成紫微二字光耀奪目後貴顯每設壇禮神必朱篆紫微二字以表焉青箱雜記

音聲木都堂有古槐夜聞絲竹之音省中必有相者時號音聲木因語錄

錦繡萬花谷前集卷之二十三

錦繡萬花谷前集卷之二十四

貴

東京貴莫比鄧禹自中興後累世寵貴侯者二十九人公二人大將軍以下十三人中二千石十四人牧守四十八人皇后二人東京貴莫比

七葉貂漢功臣惟金張二家親近貴寵比於外戚左思詩云金張藉舊業七葉珥貂蟬文選

五侯漢成同日封舅五人譚商根立逢時為侯世謂之五侯元后傳

八居九列四登三事劉寵自會稽太守罷歸八居九列四登三事

三世唐高士廉遷右僕射三世居此官人榮之傳